

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-12646/26
Sarajevo, 06.7.2026. godine

Na osnovu člana člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14, 59/22 i 50/24) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj: 02/12-04-21075/24 od 23.08.2024. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača - Izvođenje radova na rekonstrukciji pješačke zone u naselju Alipašino polje

I

Prihvata se preporuka Komisije za javnu nabavku radova i okvirni sporazum u postupku javne nabavke - Izvođenje radova na rekonstrukciji pješačke zone u naselju Alipašino polje, broj obavještenja 422-1-3-117-3-162/26, objavljeno na Portalu javnih nabavki BiH dana 19.5.2026.godine i u “Službenom glasniku BiH”- Oglasnik javne nabavke broj 36/26, dodjeljuje se ponuđaču “Mibral” d.o.o. Sarajevo sa ponuđenom cijenom za okvirni sporazum u iznosu od 463.000,00 KM bez PDV-a, odnosno 541.710,00 sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, te da nakon isteka žalbenog roka pripremi okvirni sporazum i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-12646/26 od 15.5.2026.godine Općina Novi Grad Sarajevo pokrenula je otvoreni postupak javne nabavke - Izvođenje radova na rekonstrukciji pješačke zone u naselju Alipašino polje, broj obavještenja 422-1-3-117-3-162/26, objavljeno na Portalu javnih nabavki BiH dana 19.5.2026.godine i u “Službenom glasniku BiH”- Oglasnik javne nabavke broj 36/26.

Zapisnikom o otvaranju ponuda od 11.6.2026. godine Komisija je konstatovala da je u predviđenom roku u propisno upakovanim kovertama pristiglo četiri (4) ponuda ponuđača: 1. „Nexen” d.o.o. Banja Luka, 2. “Dinalsa” d.o.o. Sarajevo, 3. “Mibral” d.o.o. Sarajevo i 4. grupa ponuđača “Flex Invest” d.o.o. Sarajevo i „Perspektiva-Inženjering” d.o.o. Visoko. Komisija je konstatovala da je ponuđač „Nexen” d.o.o. Banja Luka u predviđenom roku, u propisno upakovanim kovertama uz original ponude dostavio i dopunu original ponude NXN-218/26.

Nakon što je Komisija utvrdila da su pristigle četiri ponude pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku. Komisija je konstatovala da dostavljena ponuda ponuđača “Nexen” d.o.o. Banja Luka ne ispunjava kvalifikacione uslove tražene u tenderskoj dokumentaciji iz tačke 3.4.1. (a) tehnička i profesionalna sposobnost - *da je ponuđač u protekle tri godine računajući od naznačenog datuma za predaju ponuda uspješno izvršio najmanje jedan ugovor koji za predmet ugovora ima iste ili slične radove u vrijednosti najmanje 300.000,00 KM sa PDV-om*, a tačkom 3.4.2. (a) propisano je da se navedeno dokazuje

dostavljenjem liste izvršenih ugovora ponuđača koji su realizovani u protekle tri godine računajući od naznačenog datuma za predaju ponuda sa vrijednostima, datumima i naručiocima radova kao dokaz da je ponuđač uspješno izvršio najmanje jedan ugovor koji za predmet ugovora ima iste ili slične radove vrijednosti najmanje 300.000,00 KM sa PDV-om. Uz spisak izvršenih ugovora ponuđač je dužan dostaviti potvrdu za ugovor koji za predmet ugovora ima iste ili slične radove vrijednosti najmanje 300.000,00 KM sa PDV-om koju je izdala ugovorna strana – naručilac radova, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima.

Ponuđač "Nexen" d.o.o. Banja Luka je na stranici broj 31. ponude dostavio potvrdu o uredno realiziranom ugovoru za izvršene radove koju je izdala JP „Elektroprivreda BiH“ d.d. Sarajevo, broj 03-77-2-27031-1/2025 od 11.12.2025.godine u vrijednosti od 155.756,21 KM sa PDV-om (vrijednost ugovora 185.000,00 KM), gdje se navodi da je ponuđač "Nexen" d.o.o. Banja Luka uredno izvršio predmetni ugovor, te da su radovi izvedeni u periodu od septembra 2024. godine – septembra 2025.godine., kao i da nisu u cjelosti realizovani iz razloga koji stoje izvan ugovorne odgovornosti izvođača. Komisija je konstatovala da je vrijednost ugovora za izvršene radove manja od vrijednosti tražene navedenom tačkom tenderske dokumentacije gdje je naznačeno da vrijednost radova treba da bude u iznosu najmanje 300.000,00 KM sa PDV-om, a u predmetnim potvdama se navodi da su izvršeni radovi u vrijednosti nižoj od tražene, te Komisija nije mogla cijeliti dostavljenu potvrdu kao prihvatljivu.

Na strani 33.ponude dostavljena je potvrda o uredno realiziranom ugovoru koju je izdao Grad Tuzla, Služba za komunalne poslove, izgradnju i poslove mjesnih zajednica, broj 05/11-19-1142/24-JR od 14.8.2024.godine. Predmet ugovora su radovi na sanaciji pješačke staze zone Korzo u iznosu od 225.299,02 KM bez PDV-a, te da su radovi izvedeni u periodu od januara 2024 .godine - maja 2024.godine. Uvidom u dostavljenu potvrdu Komisija je konstatovala je da je ponuđač "Nexen" d.o.o. Banja Luka u predmetnom ugovoru bio član konzorcija /lider, zajedno sa S.E-Sarajka d.o.o. Živinice, te da je vrijednost radova koju je izvršio iznosi 68.539,50 KM bez PDV-a. Komisija je utvrdila da je vrijednost ugovora za izvršene radove manja od vrijednosti tražene navedenom tačkom tenderske dokumentacije gdje je naznačeno da vrijednost radova treba da bude u iznosu najmanje 300.000,00 KM sa PDV-om, a u predmetnim potvdama se navodi da su izvršeni radovi u vrijednosti nižoj od tražene.

Ponuđač je na stranici broj 35. ponude dostavio potvrdu o uredno realiziranom ugovoru koju je izdao „Elpring“ d.o.o. Laktaši, broj 144-1/24 od 18.10.2024.godine ukupne vrijednosti 292.500,00 KM sa PDV-om, gdje se navodi da je ponuđač "Nexen" d.o.o. Banja Luka uredno izvršio ugovor „Rekonstrukcija elektroenergetskih objekata i crpnih stanica na slivu rijeke Save te da su radovi izvedeni 2023.godine., Komisija je konstatovala je da je vrijednost ugovora za izvršene radove manja od vrijednosti tražene navedenom tačkom tenderske dokumentacije gdje je naznačeno da vrijednost radova treba da bude u iznosu od 300.000,00 KM sa PDV-om, a u predmetnim potvdama se navodi da su izvršeni radovi u vrijednosti nižoj od tražene, takođe je utvrđeno da radovi navedeni u potvrdi ne predstavljaju iste ili slične radove onim koji su predmet nabavke, te Komisija nije mogla cijeliti dostavljenu potvrdu kao prihvatljivu.

Ponuđač je na stranici broj 37. ponude dostavio potvrdu o uredno realiziranom ugovoru za koju je izdao „ZOI84“ Olimpijski centar Sarajevo, broj 501/26 od 10.02.2026.godine ukupne vrijednosti 91.220,16 KM sa PDV-om, gdje se navodi da je ponuđač "Nexen" d.o.o. Banja Luka uredno izvršio ugovor na izgradnji NN mreže na sistemu Technoalpin tehnički putevi, te da su radovi izvedeni 2025. godine. Komisija je konstatovala je da je vrijednost ugovora za izvršene radove manja od vrijednosti tražene navedenom tačkom tenderske dokumentacije gdje je naznačeno da vrijednost radova treba da bude u iznosu od 300.000,00 KM sa PDV-om, a u predmetnim potvdama se navodi da su izvršeni radovi u vrijednosti nižoj od tražene, te Komisija nije mogla cijeliti dostavljenu potvrdu kao prihvatljivu.

Ponuđač je na stranici broj 39. ponude dostavio potvrdu o uredno realiziranom ugovoru koju je izdala Opština Višegrad, broj 05-360-1/26 od 12.1.2026.godine ukupne vrijednosti 1.495.260,23 KM sa PDV-om, gdje se navodi da je ponuđač "Nexen" d.o.o. Banja Luka uredno izvršio ugovor na izgradnji i rekonstrukciji javne rasvjete u opštini Višegrad, te da su radovi izvedeni 2025.godine.

Iz navedenog je vidljivo da ponuđač nije dostavio najmanje jednu potvrdu za ugovor koji za predmet ugovora ima iste ili slične radove vrijednosti najmanje 300.000,00 KM sa PDV-om. Predmjerom za Izvođenje radova na rekonstrukciji pješačke zone u naselju Alipašino polje je obuhvaćen niz radova koji obuhvataju radove sanacije šetnice i popločanje: rušenje i demontaža - uklanjanje betonskih ploča, zemljani radovi, betoniranje betonskih ploča i stepenica, kao i popločanje - ugradnja betonskih opločnika, poastavljanje čunjeva, ugradnja šahtova i rešetki, kao i klupa, te ih Komisija nije mogla prihvatiti u smislu uslova postavljenih u tenderskoj dokumentaciji.

Jedina vrijednosno prihvatljiva Potvrda 05-360-1/26 od 12.1.2026.godine, godine izdata od strane Opština Višegrad kojom se potvrđuje uredno izvršenje ugovora od strane „Nexen“ d.o.o. Banja Luka na izgradnji i rekonstrukciji javne rasvjete u opštini Višegrad vrijednosti 1.495.260,23 KM sa PDV-om, se odnosi isključivo na zamjenu postojećih rasvjetnih tijela LED rasvjetom i izgradnja nove LED rasvjete, što je i konstatovano uvidom u tendersku dokumentaciju i predmjer radova na Portalu javnih nabavki, dok nisu uključeni radovi koji su predmet nabavke.

Nadalje Komisija je konstatovala da dostavljena ponuda ponuđača "Nexen" d.o.o. Banja Luka ne ispunjava uslov iz tačke 3.4.1. (b) tehnička i profesionalna sposobnost – da ponuđač u radnom odnosu na neodređeno vrijeme ima

zaposlenog jednog VSS diplomiranog inženjera – građevinske ili arhitektonske struke sa položenim stručnim ispitom i najmanje 5 /pet/ godina radnog iskustva, a što se dokazuje shodno tački 3.4.2. pod b) tenderske dokumentacije: *Dokaz izdat od PIO ili MIO ili Porezne uprave da ponuđač u radnom odnosu na neodređeno vrijeme ima zaposlenog jednog VSS diplomiranog inženjera - građevinske ili arhitektonske struke sa datumom izdavanja ne starijim od 30 dana računajući od dana utvrđenog kao krajnji rok za predaju ponuda (original ili ovjerena kopija) i tačkom 3.4.2. pod c):*

Dokaz o stručnoj spremi, položenom stručnom ispitu i radnom iskustvu za VSS diplomiranog inženjera iz tačke b. (original ili ovjerena kopija).

Ponuđač "Nexen" d.o.o. Banja Luka je u svojoj ponudi na stranicama od 41.-52. ponude dostavio dokumentaciju za jedno lice VSS diplomiranog inženjera građevinske struke; na strani 50. ponude dostavljen je ugovor o poslovno tehničkoj saradnji između ponuđača "Nexen" d.o.o. Banja Luka i VSS diplomiranog inženjera građevinske struke kojim se angažuje diplomirani inženjer građevinarstva na realizaciji poslova predmetne nabavke. Međutim, Komisija je konstatovala da je ponuđač propustio priložiti dokaz izdat od PIO ili MIO ili Porezne uprave da u radnom odnosu na neodređeno vrijeme ima zaposlenog jednog VSS diplomiranog inženjera - građevinske ili arhitektonske struke, čime bi dokazao da je navedeno lice u radnom odnosu na neodređeno vrijeme, kako je to traženo tenderskom dokumentacijom. Komisija nije mogla prihvatiti dostavljenu dokumentaciju kao dokaz da ponuđač ispunjava postavljeni zahtjev iz tenderske dokumentacije.

Iz naprijed navedenih razloga utvrđeno je da ponuda ponuđača Nexen" d.o.o. Banja Luka ne ispunjava uslove tražene u tenderskoj dokumentaciji iz tačke 3.4.1. (a) i b) tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno ponuda je nepravilna.

Komisija je konstatovala da preostale dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu te konstatovala da su ponude računski ispravne.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 80/23) zakazano održavanje e-aukcije na Portalu javnih nabavki BiH za dan 22.6.2026. godine sa početkom u 10:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-117/26 od 22.6.2026.godine, Komisija je utvrdila da konačna rang lista izgleda kako slijedi:

1. "Mibral" d.o.o. Sarajevo sa ponuđenom cijenom za okvirni sporazum u iznosu od 463.000,00 KM bez PDV-a,
2. "Flex Invest" d.o.o. Sarajevo i „Perspektiva-Inženjering" d.o.o. Visoko sa ponuđenom cijenom za okvirni sporazum u iznosu od 464.990,00 KM bez PDV-a,
3. "Dinalsa" d.o.o. Sarajevo sa ponuđenom cijenom za okvirni sporazum u iznosu od 512.811,25 KM bez PDV-a,

U skladu sa članom 10. Pravilnika o uslovima i načinu korištenja e-aukcije izvršeno je umanjenje za svaku poziciju tehničke specifikacije za procenat koji iznosi konačno procentualno umanjenje cijene postignute nakon e-aukcije, tako da ponuđena cijena za okvirni sporazum ponuđača "Mibral" d.o.o. Sarajevo iznosi 463.000,00 KM bez PDV-a, odnosno 541.710,00 KM sa PDV-om. Ponuđač "Mibral" d.o.o. Sarajevo dana 26.6.2026. godine odstavio saglasnost broj 69-1.6.2-06-26 na obračun nakon e-aukcije sa ovjerenom svakom stranom predmjera radova.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obrađila:  Anisa Bešagić, sekretar Komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova


Općinski načelnik

mr. Semir Efendić